




ԱՄԵՆԱՅՆ ՀԱՅՈՅ ԿԱԹՈՂԻԿՈՍ Տ. Տ. ՎԱԶԳԵՆ Ա.Ի ՀՈՎՎԱՊԵՏԱԿԱՆ ԱՅՅԵԼՈՒԹՅՈՒՆԸ ՇԻՐԱԿԻ ԹԵՄԻՆ

Հունիսի 29-ին, շաբաթ, ժամանում Լենինական

Վեհափառ Հայրապետը, ընդառաջելով Շիրակի թեմի առաջնորդ գերաշնորհ Տ. Մաշտոց եպիսկոպոսի և թեմական խորհրդի խնդրանքներին, հունիսի 29-ից հուլիսի 2-ը բարեհաճեց հովվապետական Իր երկրորդ այցելությունը տալ Շիրակի թեմին: Այս առթիվ նորին Ս. Օծուխյանը եղավ Լենինական և Կիրովական բաղաժնեքում:

Այս բարեբաժնի և օրհնաբեր այցելության առթիվ, Վեհափառ Հայրապետին ուղեկցում էին Գերագույն Հոգևոր Խորհրդի անդամ գերաշնորհ Տ. Ասողիկ եպիսկոպոս Ղալաբյանը, Վրաստանի հայոց թեմի առաջնորդ գերաշնորհ Տ. Կոմիտաս եպիսկոպոս Տեր-Ստեփանյանը, Մայր Տաճարի ավագ լուսարար հոգեշնորհ Տ. Մեսրոպ վարդապետ Պալյանը և գավազանակիր հոգեշնորհ Տ. Արսեն արքեպիսկոպոս:

Հունիսի 29-ին, շաբաթ օր, առավոտյան ժամը 12-ին, Վեհափառ Հայրապետը Իր շքախմբով մեկնեց Լենինական: Երևանի երկաթուղային կայարանում նորին Ս. Օծուխյան ճանապարհեցին Մայր Աթոռի միաբանությունն ու պաշտոնեությունը, Երևանի եկեղեցիների բաժանալից դասը և հավատացյալները:

Վեհափառ Հայրապետին ճանապարհեց նաև Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահ պր. Ս. Գասպարյանը:

Նույն օրը, երեկոյան ժամը 4.30-ին, Վեհափառ Հայրապետը ժամանում է Լենինական:

Լենինականի երկաթուղային կայարանում Վեհափառ Հայրապետին ջերմորեն դիմավորում են Շիրակի թեմական առաջնորդը, թեմական խորհրդի անդամները, բաժանալից դասը և հավատացյալների մեծ բազմություն:

Նորին Ս. Օծուխյան սրտագին բարի գալուստ են մաղթում Լենինականի բաղաժնեքին սովետի նախագահի տեղակալ պր. Հ. Հովհաննիսյանը և Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահի տեղակալ պր. Ս. Հովհաննիսյանը:

Այնուհետև Վեհափառ Հայրապետը, եկեղեցական մեծ թափորով ու «Հրաշափառ»-ով, առաջնորդվում է Լենինականի Ս. Աստվածածին եկեղեցին, ուր հավաքված հավատացյալները երկյուղած ջերմեռանդությամբ ողջունում են իրենց Վեհափառ Հայրապետին:

Շիրակի թեմի առաջնորդ գերաշնորհ Տ. Մաշտոց եպիսկոպոս Թաջիրյանը, հավարտ սուրբ արարողության, ողջունում է Վեհափառ Հայրապետի շնորհաբեր այցելությունը:

«Վեհափառ Տեմ. Թույլ տվեք, հանուն Շիրակի թեմի հայ հավատացյալների, թեմական խորհրդի և եկեղեցական դասի, որդիական խոնարհությամբ ջերմորեն ողջունել Ձերդ Ս. Օծուխյանը և բարի գալուստ մաղթել:

Հովվապետական Ձեր այս օրհնաբեր այցելության առթիվ, մի պահ մոռանեցինք և

նույնիսկ փորձվեցինք Ձեզ դիմավորել ծաղիկներով, Ձեր ճանապարհի վրա, Ձեր սուրբ ոտքերի տակ վարդեր շաղ տալ, կանաչ կամարներ կապել, որոնք կարող էին թռչնել: Շիրակի թեմի մեր ավանդապահ և հավատացյալ ժողովուրդը այսօր մի անգամ ևս որդիական իր վառ սերն ու անկաշառ հավատարմությունն է ընծա բերում Լուսավորչի Գահին և նրա արժանավոր Գահակալին, ծնրադիր հայցելով Ձեր սուրբ աղոթքներն ու օրհնությունը:

Քարի՝ եկաք, Վեհափառ Տե՛ր, հաղա՛ր բարի:

Ինչպես ամեն տեղ, մեր թեմը ևս, միշտ իր պայծառ հայացքը սեևեռ է դեպի մեր հավաքի և լուսի աղբյուր Մայր Աթոռ Ս. Էջմիածին և Մայր Հայրենիք:

Ահա այսպիսի անկեղծ զգացմունքներով և հոգեկան լիցքով տոգորված, աղոթում ենք սրտեռանդն Մայր Աթոռի անասանության, Ձերդ Վեհափառության թանկագին կյանքի արևշատության, Մայր Հայրենիքի բարօրության և աշխարհի խաղաղության համար:

Վեհափառ Տե՛ր. թույլ տվեք, Հանուն Շիրակի թեմի հայ հավատացյալների, թեմական խորհրդի և եկեղեցական դասի, որդիական խոնարհությամբ ջերմորեն ողջունել Ձերդ Ս. Օծությանը և բարի գալուստ մաղթել:

Վեհափառ Հայրապետն իր պատասխան խոսքում ասում է.

«Շնորհակալություն, սրբական եղբայր, Ձեր ջերմ խոսքերի համար: Մենք այսօր այստեղ ժամանեցինք Մայր Աթոռ Ս. Էջմիածնից՝ բերելու Ձեզ բոլորիդ ողջուն և աստվածային օրհնություն: Ողջո՛ւն այս սուրբ եկեղեցուն, հրաշագործ Յոթվերքին, ողջո՛ւն Լենինականի ամբողջ ժողովրդին:

Ուրախ ենք, որ գտնվում ենք հայկական այս գեղեցիկ քաղաքում: Մխիթարված ենք տեսնելով այս սուրբ եկեղեցին, որը նույնպես գեղեցիկ է և բարեպարզվել է շնորհիվ Մաշտոց եպիսկոպոսի, քահանա հայրերի, թեմական խորհրդի անդամների աշխատանքի. դա ձեր քաղաքի պատիվն է:

Մենք Էջմիածնում հաճախ ընդունում ենք հյուրեր՝ հայեր, օտարներ, Հայաստանից, մեր Միության մյուս հանրապետություններից և արտասահմանից: Հյուրերից մի մասը լինում են նաև Լենինականում և հավանում են այս քաղաքը: Նրանք լինում են նաև այս եկեղեցում և լավ կարծիք են հայտնում նրա մասին: Մենք այս բոլորը լսում ենք և հոգեպես մխիթարվում:

Մենք այստեղ եկանք, որպեսզի Մեր ողջունները և օրհնությունները բաշխենք բոլորիդ, որպեսզի դուք երջանիկ ապրեք, բախտավոր լինեք, և իբրև հայ ժողովրդի վավակները և սովետա-

կան հայրենիքի պարկեշտ քաղաքացիները, ձեռք-ձեռքի տված, ձեր պարտքը կատարեք եկեղեցու և հայրենիքի հանդեպ:

Վաղը Մենք սուրբ պատարագ պիտի մատուցենք այստեղ և պիտի աղոթենք հայ ժողովրդի երջանկության, հայ հայրենիքի ծաղկման և աշխարհի խաղաղության համար:

Մեր եկեղեցին խաղաղության պաշտպան եկեղեցի է, բոլոր խաղաղասեր և ալմի՛վ պետությունների կողքին:

Մենք Մեր ամբողջ հոգեկան ուժերով պաշտպան պիտի լինենք խաղաղության դատին և Մեր հարապատ ժողովրդի շահերին:

Ցանկանում ենք բոլորիդ հոգու և մարմնի քաջառողջություն և ձեր հայրենաշեն, բարի գործերին ու իղձերին հաջողություն:

Ապա Վեհափառ Հայրապետը նախագահում է կիրակամտի ժամերգության:

Հունիսի 30-ին, կիրակի, հայրապետական սուրբ պատարագ

Կիրակի, հունիսի 30-ին, առավոտյան ժամը 11-ին, Վեհափառ Հայրապետը հանդիսավոր սուրբ պատարագ է մատուցում Լենինականի Ս. Աստվածածին եկեղեցում:

Եկեղեցին, իր մեծ վերնատնով, վաղ առավոտվանից լցվել էր հավատացյալների խուռն բազմությամբ:

Սկսվում է հայրապետական սուրբ պատարագը: Ս. Սեղանին սպասարկում են Ս. Ասողիկ և Ս. Կոմիտաս եպիսկոպոսները, Ս. Մեսրոպ վարդապետը, Ս. Արսեն արեղան, Ս. Նորայր և Ս. Հակազուն քահանաները:

Սուրբ պատարագի Կոմիտասյան երգեցողությունը կատարում է Լենինականի եկեղեցու քառաձայն երգեցիկ խումբը՝ ղեկավարությամբ Ս. Ատոմ քահանայի:

«Հայր մեր»-ից առաջ Վեհափառ Հայրապետը բարոգում է ռեազատոր երկնաւոր, զեկեղեցի թո անշարժ պահեա և ղերկրպագուս անուանդ թում պահեա ի խաղաղութեան» բնաբանով:

Նորին Ս. Օծությունը իր ներշնչված քարոզի մեջ վեր է հանում Հայաստանյայց Առաքելական եկեղեցու կատարած հոգևոր, հայրենասիրական, մշակութային դերը հայ ժողովրդի կյանքում ինչպես անցյալում, նույնպես նաև այժմ, հորդորում է իր զավակներին միշտ հավատարիմ մնալ հայ հավատին ու ավանդությանը, նվիրումով աշխատել Մայր Հայրենիքի բարօրության և ջերմորեն աղոթել աշխարհում կայուն խաղաղության հաստատման համար:

Վեհափառ Հայրապետի աղոթքներին և բարեմաղթություններին ձայնակցում էր ողջ եկեղեցին՝ հավատացյալների սրտից ըլսած «ամեն»-ներով:



Կիրովականի Ս. Աստվածածին եկեղեցին:

Հավարտ սուրբ պատարագի տեղի է ունենում աջահամբույր Թեմի հավատացյալները իրենց աջահամբույրի մեջ էին դրել իրենց սերն ու նվիրվածությունը դեպի էջմիածինը, դեպի Վեհափառ Հայրապետի սիրելի անձնավորությունը:

Երեկոյան, թեմական խորհուրդը, ի պատիվ Վեհափառ Հայրապետի, կազմակերպում է ընդունելություն, որն անցնում է ջերմ, սրտազին մթնոլորտում:

Հուլիսի 1-ին, երկուշաբթի, այցելություն Լենինականի քաղաքային սովետին

Երկուշաբթի օրը, առավոտյան ժամը 9-ին, Վեհափառ Հայրապետը այցելում է Լենինականից 7 կիլոմետր հեռավորության վրա գտնվող Մարմաշենի պատմական եկեղեցին, որը հայ ճարտարապետության գոհարներից մեկն է:

Հետմիջօրեի ժամը 1-ին, Նորին Ս. Օծույթյունը պաշտոնական այցելություն է տալիս Լենինականի քաղաքային սովետին, ուր ընդունվում է ջերմորեն:

Ընդունելության ներկա է լինում քաղաքային սովետի գործադիր կոմիտեի անձնակազմը:

Քաղաքային սովետի նախագահ Ս. Մատնիշյանը սրտազինա ողջունում է Ամենայն Հայոց Վեհափառ Հայրապետի ներկայությունը: Նորին Ս. Օծույթյունը իր պատասխան խոսքում շնորհակալություն է հայտնում ջերմ ընդունելության համար:

Վեհափառ Հայրապետի և քաղաքային սովետի նախագահի միջև տեղի է ունենում սրտազին խոսակցություն, ջերմ մթնոլորտում:

Այցելության վերջում, ի պատիվ Ամենայն Հայոց Վեհափառ Հայրապետի, քաղաքային սովետի շենքում, կազմակերպվել էր ընդունելություն:

Այնուհետև Նորին Ս. Օծույթյունը հրաժեշտ առավ լավագույն տպավորություններով և հուշերով:

Ժամը 3-ին, Վեհափառ Հայրապետը այցելեց Լենինականի գուլպայի մեծ գործարանը, որտեղ Նորին Ս. Օծույթյան մանրամասն բացատրություններ տվեց գործարանի դիրեկտորի տեղակալ Ս. Զաքարյանը:

Ժամը 4.30-ին, Վեհափառ Հայրապետը լավագույն տպավորություններով Լենինականից մեկնեց Կիրովական:

կիրովականը մեր հայրենիքի քաղաքների մեջ առաջին տեղն է զբաղում իր գեղեցկությամբ: Առաջին իսկ հայացքից, այն աչքի է ընկնում իր մաքրությամբ, բազմաշարկ գեղեցիկ շենքերով: Քաղաքը շրջապատված է խիտ անտառներով:

Դեռևս 40 տարի առաջ 3—4 հազար բնակչություն ունեցող Ղարաքիլիսան այսօր ունի ավելի քան 64 000 բնակչություն. այն դարձել է Հայաստանի արդյունաբերության խոշորագույն կենտրոններից մեկը:

Վեհափառ Հայրապետը հետաքրքրվեց նաև նոր հայրենիք ներգաղթած հայրենադարձների վիճակով: Քաղաքային սովետի նախագահ Շ. Վարդումյանը գոհունակությամբ նշեց, որ «Հայրենադարձների ժամունումը մեր քաղաքը մեղ համար երջանկություն է: Մենք ջանք չենք խնայում, որ նրանք իրենց զգան ամենուրեք իրենց հայրենի կտուրի տակ, ապահով ու երջանիկ: Նրանք իրենց ժամանման առաջին իսկ պահից ապահովվեցին հարմարավետ բնակարաններով ու համապատասխան աշխատանքներով. ուրախ ենք նշելու, որ նրանք բոլորն էլ գոհ են իրենց վիճակից: Մենք հաճախ անձամբ այցելում ենք իրենց բնակարանները և հետաքրքրվում նրանց առօրյայով»:

Նախագահը ավելացրեց նաև, որ այս տարի և առաջիկայում ևս սպասվում են հայրենադարձների նոր ընտանիքներ: Զերմ ընդունելությունից հետո, ի պատիվ Վեհափառ Հայրապետի, տեղի ունեցավ հյուրասիրություն:

Վեհափառ Հայրապետը իր գոհունակությունը հայտնեց քաղաքային սովետի նախագահին և ներկաներին չերմ ընդունելության համար, մաղթելով նրանց նորանոր հաջողություններ, ուժ և կորով իրենց հայրենաշեն գործերի մեջ:

Նույն օրը, Վեհափառ Հայրապետը այցելեց Կիրովականի արհեստական մեթաքսաթելի նորակառույց գործարանը: Վեհափառը եղավ քիմիայի լուծույթի ստացման, մանրան, ոլորման, տեսակավորման և փաթաթման բաժանմունքներում: Ամենուրեք գործարանում Վեհափառ Հայրապետին ընկերակցում է բացատրություններ էին տալիս գործարանի տնօրենի տեղակալ Ս. Առաքելյանը և գլխավոր ինժեներ Մ. Բալասանյանը:

Մետաքսաթելի գործարանը օրական տալիս է 23 տոննա բարձրորակ մետաքսաթել:

Վեհափառ Հայրապետը նույն օրը այցելում է նաև քիմիական գործարանի կիսաթանկարժեք քարերի բաժանմունքը, որտեղ բացատրություններ է տալիս վարիչ Հ. Կոստանյանը:

Այստեղ պատրաստում են արհեստական քարեր բազմաթիվ գույներով, որոնք իրենց որակով և կարծրությամբ չեն զիջում բնական քարերին:

Երեկոյան ժամը 5-ին, Վեհափառ Հայրապետը, իր շքախմբով, զեղատեսիլ Դիլիջանի և Սևանի վրայով վերադառնում է Մայր Աթոռ լավագույն տպավորություններով:

ՄԵՍՐՈՊ ՎԱՐԴԱՊԵՏ ՊԱՆՍԱՆ

